



Skóla- og frístundasvið  
Borgartún 12-14  
105 Reykjavík

Reykjavík, 21. nóvember 2024

MSS22100084

EBH

Hér með sendist útskrift úr fundargerð borgarráðs frá 21.11.2024 varðandi eftirfarandi mál:

### **SFS - Endurnýjun þjónustusamninga við sjálfstætt starfandi leikskóla - til afgreiðslu**

Lagt fram bréf skóla- og frístundasviðs, dags. 18. nóvember 2024, þar sem óskað er eftir að borgarráð samþykki að fela sviðsstjóra skóla- og frístundasviðs að gera samninga við sjálfstætt starfandi leikskóla, ásamt fylgiskjöllum.  
Samþykkt.

Helgi Grímsson tekur sæti á fundinum undir þessum lið með rafrænum hætti.

Borgarráðsfulltrúar Sjálfstæðisflokksins leggja fram svohljóðandi bókun:

Fulltrúar Sjálfstæðisflokks samþykkja endurnýjun þjónustusamnings en ítreka fyrri tillögur sínar um að framlög með börnum á sjálfstætt starfandi leikskólum og grunnskólum skuli aukin. Það er réttlætismál að tryggja jöfn opinber framlög með hverju barni í skólakerfinu, óháð rekstrarformi þeirra skóla sem þau sækja. Þannig mætti koma í veg fyrir skólagjöld eða hærri gjaldskrár og tryggja öllum börnum jöfn tækifæri að sækja ólíka skóla borgarinnar, óháð efnahag foreldra.

Áheyrnarfulltrúi Flokks fólksins leggur fram svohljóðandi bókun:

Endurnýja á þjónustusamninga við sjálfstætt starfandi leikskóla. Í október 2023 lagði fulltrúi Flokks fólksins fram tillögu að borgarráð samþykkti að hækka niðurgreiðslu vegna leikskólapláss á einkareknum leikskólum fyrir 12-24 mánaða börn, í ljósi þess að foreldrar hafa iðulega ekkert val um hvort barn þeirra fái pláss á einkareknum leikskóla eða borgarreknum. Málið er óafgreitt á vettvangi borgarráðs. Því var vísað til umsagnar fjármála- og áhættustýringarsviðs og hefur verið í vinnslu á þeim vettvangi í eitt ár. Þetta er óásættanlegt og stangast á við reglur um afgreiðslu mála borgarfulltrúa. Það er afar ósanngjarnt að foreldrum skuli vera gert að greiða tvöfalt hærri verð fyrir að hafa barnið sitt í einkareknum skólum en almennum sérstaklega þegar foreldrar sækja um pláss í borgarreknum leikskóla og eru þar með virka umsókn en fá ekki inni fyrir barn sitt vegna plássleysis. Fólk á ekki valkost því biðlisti í borgarreknu skólana er eitt til eitt og hálf ár eftir að barn á rétt á pláss. Fulltrúi Flokks fólksins hefði viljað fá viðbrögð við þessari tillögu áður en endurnýja á þjónustusamninga.

Helga Björk Laxdal  
e.u.



Borgarráð

Reykjavík, 18. nóvember 2024

MSS22100084

### **Efni: Endurnýjun þjónustusamninga við sjálfstætt starfandi leikskóla**

Óskað er eftir að borgarráð samþykki að fela sviðsstjóra skóla- og frístundasviðs að gera samninga við sjálfstætt starfandi leikskóla til samræmis við meðfylgjandi fyrirmynd að samningi. Engu að síður verði samningar við tiltekna leikskóla lagðir fram til samþykktar að undirbúningi skóla- og frístundasviðs loknu.

Gildistími samninga verði frá 1. janúar 2025 til 31. desember 2027. Í fyrirmynd að samningi kemur fram að litið sé svo á að eldri samningar aðila, með síðari viðaukum, hafi haldið gildi sínu þar til nýr samningur tekur gildi þann 1. janúar 2025. Gerður er fyrirvari um að uppfyllt séu skilyrði til reksturs leikskóla og samningsbundnar skyldur.

#### **Greinargerð:**

Skóla- og frístundasvið hefur unnið að gerð nýrra samninga í samvinnu við fulltrúa Sjálfstæðra skóla – fjölbreytts samfélags skóla og hefur af því tilefni átt fjölmarga fundi með fulltrúum skólanna auk þess sem samtökin hafa komið sjónarmiðum sínum skriflega á framfæri.

Meðfylgjandi er fyrirmynd að samningi við sjálfstætt starfandi leikskóla í Reykjavík og bókanir Reykjavíkurborgar og Sjálfstæðra skóla undirritað með fyrirvara um samþykki borgarráðs og sjálfstætt starfandi leikskóla.

#### **Forsaga málsins**

Þann 3. febrúar 2022 skipaði borgarstjóri starfshóp um mótun stefnu Reykjavíkurborgar um aðkomu að sjálfstætt starfandi leik- og grunnskólum. Erindisbréf hópsins var lagt fram fundi borgarráðs þann 10. febrúar 2022. Samkvæmt erindisbréfi hópsins var það hlutverk hans að móta drög að stefnu og tillögum um aðkomu Reykjavíkurborgar þegar kemur að sjálfstætt starfandi leikskólum og grunnskólum, þar sem jafnræði og gegnsæi er haft að leiðarljósi þegar kemur að aðkomu og framlögum Reykjavíkurborgar. Í erindisbréfi er hlutverki og helstu verkefnum lýst. Starfshópurinn afhenti borgarstjóra skýrslu, dags. í október 2022.

Samtökum Sjálfstæðra skóla var veitt færi á að senda borgarráði umsögn um tillögur borgarstjóra, dags. 10. október 2022, sem byggja á skýrslu starfshóps um mótun stefnu og tillagna um aðkomu Reykjavíkurborgar að sjálfstætt starfandi leik- og grunnskólum. Umsögn Sjálfstæðra skóla, dags. 11. apríl 2022, liggur fyrir.

Á fundi Borgarráðs þann 10. nóvember 2022 var lögð fram tillaga borgarstjóra, dags. 10. október 2022, varðandi tillögur starfshóps um mótun stefnu og tillagna um aðkomu Reykjavíkurborgar að sjálfstætt starfandi leik- og grunnskólum, ásamt fylgiskjölum. Vísað til borgarstjórnar.



Á fundi borgarstjórnar þann 15. nóvember 2022 var 12. lið fundargerðar borgarráðs frá 10. nóvember; tillögum starfshóps um aðkomu Reykjavíkurborgar að sjálfstætt starfandi leik- og grunnskólum, vísað til meðferðar borgarráðs.

Með tölvubréfi, dags. 30. nóvember 2022, óskaði borgarráð eftir umsögn skóla- og frístundaráðs um tillögur starfshóps um mótun stefnu Reykjavíkurborgar um aðkomu að sjálfstætt starfandi leik- og grunnskólum.

Á fundi skóla- og frístundaráðs þann 6. mars 2023 var umsögn skóla- og frístundaráðs, dags. 1. mars 2023, um tillögur starfshóps um mótun stefnu Reykjavíkurborgar um aðkomu að sjálfstætt starfandi leik- og grunnskólum samþykkt með fjórum atkvæðum gegn þremur atkvæðum. Á sama fundi fór fram kynning á skýrslu starfshópsins.

Á fundi borgarráðs, dags. 28. september 2023, var samþykkt með breytingum tillaga borgarstjóra, dags. 26. september 2023, um að fela skóla- og frístundasviði að ganga til endurnýjunar samninga við sjálfstætt starfandi leik- og grunnskóla á grundvelli fyrirliggjandi samninga auk tilgreindra samningsmarkmiða vegna samningaviðræðna við Samtök sjálfstætt starfandi skóla sem borgarráð gerir kröfu um.

### Form samnings

Í fyrsta lagi nær samningurinn til framlaga vegna barna á aldrinum 18 mánaða til 6 ára með lögheimili í Reykjavík.

Í öðru lagi eru átta leikskólar sem eru með framangreindan samning jafnframt með ákvæði í samningnum vegna ungbarnadeilda (börn á aldrinum 12 mánaða til 18 mánaða). Í stað þess að vera með sérstakan samning vegna ungbarnadeildar verður nú einn samningur sem nær til barna á aldrinum 18 mánaða til sex ára og ungbarnadeildar þrátt fyrir að forsendur framlags séu ekki með sama hætti í báðum tilfellum.

Tveir rekstraraðilar eru með samning vegna fimm ára leikskóladeildar í grunnskóla. Þessir samningar eru sama efnis og samningur vegna barna á aldrinum 18 mánaða til 6 ára.

Í þriðja lagi er um að ræða samning við sjálfstætt rekna ungbarnaleikskóla vegna barna á aldrinum 6/9 mánaða til 36 mánaða.

Allir samningarnir eru efnislega að mestu samhljóða að því undanskildu að mánaðarlegt rekstrarframlag fyrir hvert barn nemur 1/11 af árlegum styrkgrunni að frádreginni mánaðarlegri hámarksgreiðslu foreldra, þ.e. greiðslu skv. gjaldskrá skóla- og frístundasviðs vegna leikskóla Reykjavíkur er margfölduð með 1,15 vegna leikskóla með samning vegna barna á aldrinum 18 mánaða til 6 ára en margföldunarstuðullinn er 2,15 vegna leikskóla með samning sem nær til barna á aldrinum 6/9 mánaða til 36 mánaða og vegna ungbarnadeilda með börn á aldrinum 12 til 18 mánaða.

### Samningsmarkmið borgarráðs

Í samþykkt borgarráðs frá 28. september 2023 var skóla- og frístundasviði falið að ganga til endurnýjunar samninga á grundvelli [tilgreindra samningsmarkmiða](#) sem endurspeglast í drögum að samningni með eftirfarandi hætti:

1. Ekki verði gerð breyting á ákvæðum um innheimtu leikskólagjalda. Heildarframlög taka því jafnframt mið af sama grunni og áður, eldri samningum um leikskóla.

Í samningi er ekki gert ráð fyrir breytingum á ákvæðum um innheimtu leikskólagjalda.

2. Þeir sem gera þjónustusamning við Reykjavíkurborg taki mið af stefnumótun Reykjavíkurborgar, þar með talið Menntastefnu og Mannréttindastefnu.



Í gr. 2.2 í samningi kemur fram að framkvæmd sjálfstætt starfandi leikskóla skuli byggja á Menntastefnu Reykjavíkurborgar og taka mið af Mannréttindastefnu Reykjavíkurborgar. Komi upp ágreiningsmál vegna þessa skulu tilnefndir tveir aðilar, einn af hálfu hvors samningsaðila auk oddamanns sem þeir koma sér saman um og skulu þeir leitast við að leysa úr ágreiningnum.

3. Samræmt umsóknar- og innritunarkerfi fyrir leikskóla.

Í 6. gr. samningsins er fjallað um innritun í leikskóla og kemur þar fram að foreldrar sem vilja sækja um pláss í leikskólanum geri það með umsókn á vef Reykjavíkurborgar sem birtist jafnframt á heimasíðu leikskólans.

Þannig er gert ráð fyrir að sjálfstætt starfandi skólar noti innritunarkerfi Reykjavíkurborgar sem nú er Vala leikskóli, varðandi umsóknir, innritun og umsýslu biðlista (<https://vala.is/>), ef leikskólinn notar annað kerfi þá verði tenging á milli kerfa. Skóla- og frístundasvið ber kostnað vegna gjaldtöku Advania ehf sem nú hefur selt kerfið til Infomentor ehf, eða þess vinnsluaðila sem í hlut á, vegna notkunar Völu leikskóla vegna umsóknar, innritunar, umsýslu biðlista auk þeirra skráninga í Völu sem fram þurfa að fara á grundvelli þessa samnings. Ef leikskóli notar annað kerfi í starfsemi sinni þarf leikskólinn að tryggja reglulegan samlestur yfir í Völu leikskóla á eigin kostnað.

Nánari útfærslu má sjá í samningnum.

4. Börn með lögheimili í Reykjavík njóti forgangs umfram börn úr öðrum sveitarfélögum að lausum plássum hjá sjálfstætt starfandi leiks- og grunnskólum til samræmis við ákvæði þjónustusamninga. Eldri börn njóti forgangs umfram yngri í leikskólum, nema þegar um sérstaka ungbarnaleikskóla er að ræða.

Foreldrar barna með lögheimili í Reykjavík eiga forgang að lausum plássum á tímabilinu frá 1. mars til 15. apríl hvert almanaksár vegna innritunar fyrir komandi skólaár, sjá gr. 6.7 í samningi. Gert er ráð fyrir að leikskólar á jaðarsvæðum Reykjavíkurborgar geti sótt um að foreldrar barna með lögheimili í Reykjavík eigi forgang að allt 80% að lausum plássum leikskólans út frá rekstrarleyfi leikskólans fram yfir umsóknir vegna barna með lögheimili í öðrum sveitarfélögum.

5. Framlög til sjálfstætt starfandi leikskóla vegna leikskólaþjónustu verði endurskoðuð. Launaliður og aðrir rekstrarliðir, án húsnæðiskostnaðar, grundvallist á samþykktri áætlun borgarrekinnna leikskóla SFS. Launaliður taki breytingum skv. kjarasamningum innan ársins. Húsnæðisframlag miðist við ákveðna fjárhæð pr. m<sup>2</sup> í stað þess að taka mið af innri leigu borgarrekinnna leikskóla. Fjárhæðin taki breytingum skv. vísitölu.

Sérgreindar breytingar í nýjum samningi eru:

- Breytt viðmið faghlutfalls mun leiða til um það bil 15 milljóna króna kostnaðarauka á ársgrundvelli.
- Kostnaður vegna aðlögunar á Völu leikskólakerfinu er áætlaður 10 milljónir í upphafi en síðan 5 milljónir á ári.
- Forsendur húsnæðisframlags breytast en í nýjum samningi byggir það á fastri fjárhæð sem miðast við 6-8 fm. pr. barn (greiddir 8 fm.) og miðast við 4.200 kr/fm miðað við 11. mánaða greiðslur. Fjárhagsleg áhrif á ársgrundvelli eru óveruleg.
- Framlag sem nemur 3.500 kr. pr. barn á mánuði til að mæta kostnaði sem er utan rekstrarkostnaðar borgarrekinnna skóla s.s. trygginga, endurskoðunar og jafnlaunavottunar. Breytingar á grunni að útreikningi rekstrarframlags gera það að verkum að fjárhagsleg áhrif á ársgrundvelli eru óveruleg.
- Nýjar reglur varðandi heimildir sjálfstætt starfandi leikskóla til útgreiðslu arðs af rekstri leikskóla. Nú verður heimilt að greiða út 75% af rekstrarafgangi ársins sem arð til hluthafa/eiganda leikskólans.



Gert er ráð fyrir að sækja verði um viðauka við fjárhagsáætlun skóla- og frístundasviðs vegna mögulegs viðbótarkostnaðar samningsins.

Umsögn fjármála- og áhættustýringarsviðs, dags. 18. nóvember 2024.

6. Reykjavíkurborg gerir kröfu um að rekstrarafgang af starfsemi leikskólans sem rekja má til opinberra fjárveitinga skuli nýta til að þróa leikskólaþjónustu skólans í samræmi við reglur um grunnskóla.

Af hálfu fulltrúa skóla- og frístundasviðs var í samningaviðræðunum lögð áhersla á að rekstrarafgang af starfsemi leikskólans sem rekja mætti til fjárveitinga Reykjavíkurborgar skuli nýta til að þróa leikskólastarfið. Slíkt ákvæði gildir um starfsemi grunnskóla skv. ákvæði 8. gr. reglugerðar nr. 1158/2018. Niðurstaða viðræðna leiddi til eftirfarandi tillögu að ákvæði 24.8 í samningi:

Rekstrarafgang af starfsemi leikskólans sem rekja má til fjárveitinga Reykjavíkurborgar skal nýta til að þróa leikskólastarfið. Þrátt fyrir það er rekstraraðila sem rekur leikskóla í einkahlutafélagi heimilt að ráðstafa allt að 75% af rekstrarafgangi ársins til útgreiðslu arðs. Í ársskýrslu leikskólans skal gerð grein fyrir því hvernig framangreindur rekstrarafgangur er metinn og hvernig honum er varið. Ef að leikskólinn er rekinn af rekstraraðila sem jafnframt rekur grunnskóla í sama félagi gildir hins vegar sú meginregla sem sett er í lokamálgrein 8. gr. reglugerðar um sjálfstætt rekna grunnskóla, sem segir „Óheimilt er að taka fjármuni sem rekja má til opinberra fjárveitinga í formi arðgreiðslu eða öðrum fjárhagslegum ávinningi fyrir eigendur sem ekki tengist rekstri og skólastarfi. Þessi takmörkun á einnig við ef hinn sjálfstætt rekni skóli er seldur.

7. Reykjavíkurborg gerir kröfu um að sjálfstætt starfandi leik- og grunnskólar séu með um nauðsynlegar og viðeigandi tryggingar.

Í gr. 15.3 kemur fram að leikskólinn skuli vera með nauðsynlegar og viðeigandi tryggingar á eigin kostnað en með því er átt við slysatryggingar barna, slysatryggingar launþega (til samræmis við skyldur skv. kjarasamningum), bruna-, vatns- og innbrotstryggingar lausafjármuna, frjálsa ábyrgðartryggingu og brunatryggingu húseigna til samræmis við skyldur húseigenda. Sé lóð og húsnæði í eigu þriðja aðila, skal leikskólinn, eftir atvikum og að breyttu breytanda, ganga úr skugga um að leigusali tryggi það með sama hætti og væri húsnæðið í eigu leikskólans.

Í 30. gr. samningsins er gert ráð fyrir sérstöku framlagi vegna trygginga.

8. Reykjavíkurborg gerir kröfu um að sjálfstætt starfandi skólar sem gera þjónustusamninga við Reykjavíkurborg skili endurskoðuðum ársreikningi og ársskýrslu starfseminnar fyrir 1. maí ár hvert.

Í 9. tölulíð 18. gr. samningsins kemur fram að leikskólanum beri að skila til SFS endurskoðuðum ársreikningi fyrir 1. maí ár hvert. Í 20. gr samningsins er fjallað með ítarlegum hætti um ársreikninga.

Virðingarfyllt

Heði Grínsson



Reykjavíkurborg

Helgi Grímsson

sviðsstjóri skóla- og frístundasviðs

Hjálagt:

1. Fyrirmynd að samningi og bókanir við samning milli Reykjavíkurborgar og Sjálfstæðra skóla, undirritað með fyrirvara.
2. Umsögn fjármála- og áhættustýringarsviðs, dags. 18. nóvember 2024.

Fyrirmynd að þjónustusamningi Reykjavíkurborgar við sjálfstætt starfandi leikskóla í Reykjavík

## **Samningur um framlag vegna rekstur leikskóla**

### **I. kafli**

#### ***Aðilar, tengiliðir, ábyrgð á faglegu starfi og reglur sem ná til samningsins***

##### 1. gr.

###### *Aðilar og tengiliðir*

1.1 Skóla- og frístundasvið Reykjavíkurborgar, kt. 530269-7609, hér eftir nefnt SFS gerir þennan samning f.h. Reykjavíkurborgar við rekstraraðilann [rekstraraðili] [kennitala og heimilisfang], hér eftir nefndur leikskólinn eða rekstraraðilinn í samningnum.

1.2 Tengiliður fyrir hönd leikskólans er [nafn og starfsheiti tengiliðar]. Tengiliður fyrir hönd SFS er [Nafn og starfsheiti tengiliður]. Tengiliðir skulu leggja áherslu á að koma erindum og úrlausnarefnum fljótt og vel í réttan farveg og hraða afgreiðslu þeirra, jafnframt að skrá og geyma minnisatriði um samskiptin og hvernig hverju úrlausnarefni er lokið.

1.3 SFS skal bjóða stjórnendum og rekstraraðilum sjálfstætt starfandi leikskóla reglulega til funda til að fjalla um málefni leikskólanna, að lágmarki tvisvar á ári. Þá skal halda fundi með Sjálfstæðum skólum í kjölfar samþykktar fjárhagsáætlunar þar sem gerð er grein fyrir forsendum framlaga til sjálfstætt starfandi leikskóla sem gert hafa samning við SFS. Jafnframt ber að upplýsa sjálfstætt starfandi skóla um breytingar á reglum um leikskólaþjónustu, eigi síðar en í beinu framhaldi samþykktar breytinga í borgarráði.

##### 2. gr.

###### *Ábyrgð á faglegu starfi leikskóla*

2.1 Með undirritun samningsins staðfestir leikskólinn að hann ber fulla og óskipta ábyrgð á framkvæmd faglegs leikskólastarfs í leikskólanum samkvæmt lögum og stjórnvaldsfyrirmælum um leikskóla og aðalnámskrá leikskóla sem og öðrum lögum og reglum er gilda um starfsemi leikskóla hverju sinni að því marki sem ábyrgð á slíkri framkvæmd er ekki með lögum falin öðrum, þ. á.m. sveitarfélögum. Með faglegu leikskólastarfi er átt við nám, kennslu, umönnun, uppeldi, sérstaka aðstoð og þjálfun.

2.2 Framkvæmd sjálfstætt starfandi leikskóla skal byggja á menntastefnu Reykjavíkurborgar og taka mið af mannréttindastefnu Reykjavíkurborgar við gerð skólanámskrár, starfsáætlunar og í leikskólastarfinu. Komi upp ágreiningsmál vegna þessa skulu tilnefndir tveir aðilar, einn af hálfu hvors samningsaðila auk sameiginlegrar tilnefningar oddamanns sem þeir koma sér saman um og skulu þeir leitast við að leysa úr ágreiningnum.

2.3 Við leikskólann skal vera leikskólastjóri í fullu starfi (100%) sem stjórnar starfi hans í umboði rekstraraðila. Til samræmis við 5. gr. laga um leikskóla stjórnar leikskólastjóri daglegum rekstri

1  

og starfi leikskóla og gætir þess að leikskólastarf sé í samræmi við lög, reglugerðir, aðalnámskrá leikskóla, skólanámskrá og önnur gildandi fyrirmæli.  
[Skóla- og frístundasviði er heimilt er að gefa sjálfstætt starfandi leikskóla sem ekki uppfyllir skilyrðið við gildistöku samningsins frest til sex mánaða til að uppfylla þessa kröfu.]

### 3. gr.

#### *Helstu lög og reglur sem leikskólanum ber að fara eftir*

3.1 Samningur þessi er gerður í samræmi við 25. gr. laga um leikskóla nr. 90/2008 og reglur Reykjavíkurborgar um rekstrarleyfi leikskóla en framlag SFS er háð því skilyrði að leikskólinn hafi gilt rekstrarleyfi í Reykjavík.

3.2 Leikskólinn fylgir reglum Reykjavíkurborgar um leikskólaþjónustu til samræmis við það sem fram kemur í reglunum sjálfum og í samningi þessum. Taki reglurnar breytingum gilda þær svo breyttar gagnvart leikskólanum án sérstakrar tilkynningar, uppsagnar eða endurskoðunar samningsins af hálfu samningsaðila.

3.3 Með vísan til 1. mgr. 25. gr. laga um leikskóla nr. 90/2008 gilda um rekstur leikskólans sömu lög og reglur og gilda um aðra leikskóla, meðal annars lög nr. 95/2019 um menntun, hæfni og ráðningu kennara og skólastjórnenda við leikskóla, grunnskóla og framhaldsskóla. Meðal annars er allt starfsmannahald, þar á meðal ráðningar og ráðningarsamband, á ábyrgð leikskólans.

3.4 Með vísan til 1. mgr. 25. gr. og 30. gr. laga nr. 90/2008 um leikskóla skal leikskólinn fylgja ákvæðum laga um leikskóla og stjórnarsýslulaga nr. 37/1993 við töku ákvarðana sem eru kærarlegar skv. 30. gr. laga um leikskóla.

3.5 Með vísan til 101. gr. sveitarstjórnarlaga nr. 138/2011 gilda ákvæði upplýsingalaga nr. 140/2012 um þá stjórnarsýslu sem leikskólinn annast.

3.6 Með vísan til ákvæða laga nr. 77/2014 um opinber skjalasöfn skal leikskólinn tryggja fullnægjandi skjalastjórn og skjalavörslu skjala sem lúta að leikskólastarfi. Ber leikskólinn sjálfstæða skyldu til að afhenda opinberu skjalasafni skjöl til samræmis við ákvæði laganna.

3.7 Skólinn aflar og kannar sakavottorð starfsfólks og tryggir að þau standist þær kröfur sem leiða af 6. gr. laga nr. 90/2008 um leikskóla. Samkvæmt ákvæðinu er óheimilt að ráða til starfa við leikskóla einstakling sem hlotið hefur refsidóm fyrir brot á ákvæðum XXII. kafla almennra hegningarlaga. Við ráðningu skal liggja fyrir sakavottorð eða heimild leikskólastjóra til að afla upplýsinga úr sakaskrá.

3.8 Eftir því sem við á fer um framlög til leikskólans og skyldur hans eftir því sem kveðið er á um í reglum Reykjavíkurborgar sem samþykktar voru í borgarráði hinn 25. maí 2017.<sup>1</sup> Í því felst m.a. að leikskólinn skal geta þess í kynningarefni að hann njóti framlaga frá Reykjavíkurborg auk þess sem leikskólanum ber að skila SFS kyngreindum gögnum um þá sem eftir atvikum veita eða njóta tiltekinnar þjónustu eða gæða vegna framlaganna. Sérstaklega skal greint frá því hvaða áhrif framlögin hafa á stöðu jaðarsettra hópa fólks, sbr. mannréttindastefnu Reykjavíkur.<sup>1</sup>

3.9 Leikskólanum ber með sama hætti og leikskólum Reykjavíkurborgar að fylgja fyrirmælum neyðarstjórnar Reykjavíkurborgar, samkvæmt gildandi viðbragðsáætlun Reykjavíkurborgar, ef lýst hefur verið yfir neyðarástandi til samræmis við lög nr. 82/2008 um almannavarnir og reglugerð nr. 650/2009 um flokkun almannavarnarstiga

<sup>1</sup> [https://reykjavik.is/sites/default/files/skjol\\_thjonustulysingar/reglur\\_reykjavikurborgar\\_um\\_styrki.pdf](https://reykjavik.is/sites/default/files/skjol_thjonustulysingar/reglur_reykjavikurborgar_um_styrki.pdf)



3.10 Reykjavíkurborg hefur það að markmiði að tryggja í hvívetna áreiðanleika, trúnað og öryggi allra persónuupplýsinga sem unnið er með á vegum Reykjavíkurborgar, samanber persónuverndarstefnu Reykjavíkurborgar.

Leikskólinn skal fylgja ákvæðum laga um persónuvernd og vinnslu persónuupplýsinga nr. 90/2018 enda teljist hann ábyrgðaraðili/sameiginlegur ábyrgðaraðili/vinnsluaðili persónuupplýsinga vegna vinnslu þeirra í starfsemi leikskólans. Skólanum ber að tryggja að miðlun upplýsinga samkvæmt samningi þessum til skóla- og frístundasviðs sé í samræmi við framangreind lög.

Leikskólinn og SFS gera með sér samkomulag um vinnslu persónuupplýsinga á milli sameiginlegra ábyrgðaraðila.

Leikskólinn og SFS bera hvor um sig ábyrgð á þeirri vinnslu sem þeir inna af hendi samkvæmt gildandi lögum og reglum, sem og samkvæmt samningi um sameiginlega ábyrgð og ákveða um aðferðir við vinnslu persónuupplýsinga að svo miklu leyti sem þeir hafa ekki komið sér saman um annað.

## II. kafli

### ***Umfang leikskólaþjónustu***

#### 4. gr.

##### *Opnunartími leikskóla og fæði*

4.1 Leikskólinn skal veita leikskólaþjónustu alla virka daga ársins, að frátalinni lokun vegna sumarleyfis leikskólabarna í 20 virka daga, aðfangadegi jóla, gamlársdegi og sex skipulagsdaga. Leitast skal við að skipulagsdagar leikskólans og grunnskóla í hverfinu fari saman. Með leikskólaþjónustu er átt við þá kennslu og uppeldisstarf sem alla jafna fer fram í leikskóla ásamt stuðningi við þau börn sem hana þurfa til samræmi við lög um leikskóla.

4.2 Samningurinn tekur til leikskólareksturs frá kl. 07:30 til 16:30, en greitt er framlag til leikskólans vegna 42,5 stunda dvalartíma að hámarki á viku sem er til samræmis við fjölda dvalarstunda í leikskólum Reykjavíkurborgar, sjá jafnframt gr. 22.5 í samningi þessum.

Leikskólanum er heimilt að hafa lengri þjónustutíma ef það samrýmist ákvæðum laga og stjórnvaldsfyrirmæla, meðal annars um leikskólastarfsemi og vernd barna og ungmenna, að því tilskyldu að hann beri tilfallandi kostnað af því.

4.3 Börn skulu fá máltíðir í leikskólanum, þ.e. morgunhressingu, hádegismat og síðdegishressingu, í samræmi við ráðleggingar um mataræði og næringarefni frá Embætti landlæknis.

#### 5. gr.

##### *Viðbótargreiðsla vegna barna sem þurfa sérstaka aðstoð og þjálfun*

5.1 SFS greiðir fyrir sérstaka aðstoð og þjálfun í samræmi við reglur SFS sem gilda fyrir börn með lögheimili í Reykjavík sem vistuð eru í leikskólum, sbr. 1. mgr. 22. gr. laga nr. 90/2008 um leikskóla. Reglurnar eru birtar á vef Reykjavíkurborgar; [www.reykjavik.is](http://www.reykjavik.is). Um kostnað vegna barna sem eiga lögheimili í öðrum sveitarfélögum, semur skólinn sérstaklega við viðkomandi sveitarfélag.



5.2 Leikskólinn á rétt á skólalþjónustu í Miðstöðvum Reykjavíkurborgar í hverjum borgarhluta til samræmis við reglugerð nr. 444/2019 um skólalþjónustu. Yfirlit yfir hvað felst í skólalþjónustu mun liggja fyrir af hálfu skóla- og frístundasviðs eigi síðar en 15. nóvember 2024.

5.3 Leikskólanum skal tryggður sambærilegur aðgangur að upplýsingum og umsóknareyðublöðum og leikskólum Reykjavíkurborgar.

## 6. gr.

### *Innritun og dvalarsamningur*

6.1 Reglur Reykjavíkurborgar um leikskólalþjónustu gilda um umsókn og innritun í leikskólann með sama hætti og gagnvart leikskólum Reykjavíkurborgar. Reglurnar eða hlekkur á þær skulu birtar á heimasíðu leikskólans.

6.2. Samkvæmt reglum um leikskólalþjónustu er það skilyrði innritunar að barn sé með lögheimili í Reykjavík og að foreldrar barnsins séu ekki í vanskilum við SFS vegna leikskólagjalda. Leikskólanum er því aðeins heimilt að innrita barn með lögheimili í Reykjavík að fenginni staðfestingu SFS þess efnis að foreldrar þess séu ekki í vanskilum en innritunarkerfið Vala kemur í veg fyrir innritun í Völu í þessum tilfellum.

6.3 Börn innritast í leikskóla eftir kennitölu, þau elstu fyrst og á það við jafnt um ungbarnaleikskóla, almennar deildir og ungbarnadeildir, sjá nánar í reglum Reykjavíkurborgar um leikskólalþjónustu. Ákvæði reglna um leikskólalþjónustu um forgang til samræmis við það sem þar kemur fram gilda um sjálfstætt starfandi leikskóla.

6.4 Foreldrar sem vilja sækja um pláss í leikskólanum gera það með umsókn sem fylla skal út á vefsíðu sem SFS leggur til, nú umsokn.vala.is\_ sem birta skal á heimasíðu leikskólans. Skal þess gætt að upplýsingar á vefsíðunni verði hlutlausar m.t.t. þess hvort umsóknin varðar pláss í leikskóla Reykjavíkurborgar eða sjálfstætt rekens leikskóla. Í umsókn skal tilgreina óskir um þjónustu, þ.á.m. í hvaða leikskóla þjónustan verði veitt. Þannig er gert ráð fyrir að sjálfstætt starfandi skólar noti innritunarkerfi Reykjavíkurborgar sem nú er Vala leikskóli, varðandi umsóknir, innritun og umsýslu biðlista, breytingar á dvalarsamningum og umsóknir um afslætti og önnur atriði sem Vala heldur utan um og varða samskipti aðila (<https://vala.is/>). Ef leikskólinn notar annað kerfi þá verði tenging á milli kerfa.

Yfirlit yfir skráningar í Völu leikskóla mun liggja fyrir af hálfu skóla- og frístundasviðs eigi síðar en 15. nóvember 2024.

6.5 Skóla- og frístundasvið ber kostnað vegna gjaldtöku Advania ehf/Infomentor ehf, eða þess vinnsluaðila sem í hlut á hverju sinni, vegna notkunar Völu leikskóla eða annarra slíkra kerfa sem SFS nýtir vegna umsókna, innritunar, umsýslu biðlista auk þeirra skráninga upplýsinga í Völu sem það reynist nauðsynlegt á grundvelli þessa samnings. Ef leikskóli notar annað kerfi í starfsemi sinni þarf leikskólinn að tryggja reglubundinn ( þó daglega á tímabili aðalinnritunar að vori ) samlestur yfir í Völu leikskóla á eigin kostnað. Aðilar samningsins vinna að nánari útfærslu í samvinnu.

6.6 Leikskólinn vinnur að innritun barna eftir þeim reglum sem gilda um innritun hjá SFS vegna leikskóla Reykjavíkurborgar og eftir ákvæðum samningsins. Leikskólinn skal skrá breytingar á dvalarsamningi og þegar pláss losnar í leikskólanum með skráningu í umsýslukerfið sem nú er Vala leikskóli.

6.7 Foreldrar barna með lögheimili í Reykjavík eiga forgang að öllum lausum plássum í leikskólanum á tímabilinu frá 1. mars til 15. apríl hvert almanaksár vegna innritunar fyrir komandi skólaár. Forgangurinn gildir a.m.k. vegna innritunar samkvæmt fyrsta vali foreldra.

[Þrátt fyrir ákvæði 6.7 er leikskóla sem starfræktur er við staðarmörk Reykjavíkurborgar og annarra sveitarfélaga heimilt að óska þess með umsókn til SFS að foreldrar barna með lögheimili í Reykjavík eigi forgang að allt 80 % að lausum plássum leikskólans fram yfir umsóknir vegna barna með lögheimili í öðrum sveitarfélögum út frá rekstrarleyfi leikskólans]. Framangreint á við að því gefnu að heimilt sé að greiða framlag til þess fjölda samkvæmt samningi þessum.

Ef á biðlista leikskólans, með hann í 1. vali, eru eingöngu börn með lögheimili í öðrum sveitarfélögum er ekki gerð athugasemd við innritun þeirra.

Ekki er gerð krafa um að börnum úr öðrum sveitarfélögum sem eru í leikskólanum við undirritun samningsins verði sagt upp plássinu.

6.8 Með lausum plássum er átt við heildarfjölda barna samkvæmt samningi þessum að frádregnum börnum sem verða í vistun þann 1. september sama ár.

6.9 Óheimilt er samkvæmt samningi þessum að neita börnum um leikskóladvöl á grundvelli sérþarfa barnsins.

6.10 Leikskólinn skal útbúa skriflegan dvalarsamning undirritaðan af leikskólastjóra/ leikskólanum og foreldrum barns. Breytingar á dvalarsamningi skulu einnig vera skriflegar og undirritaðar af báðum aðilum. Dvalarsamningur og breytingar á honum skulu vera aðgengilegar fyrir SFS. Heimilt er að undirrita skriflega eða með fullgildri rafrænni undirskrift í samræmi við ákvæði laga nr. 55/2019 um rafræna auðkenningu og traustþjónustu fyrir rafræn viðskipti og reglugerð (ESB) 910/2014 um sama efni.

6.11 Það er gagnkvæmur skilningur samningsaðila að sjálfstætt reknum leikskóla sé heimilt að innrita börn með lögheimili í öðrum sveitarfélögum en Reykjavíkurborg að því leyti sem ekki er á um annað kveðið í samningnum og gera samninga við önnur sveitarfélög um fyrirkomulag gjaldtöku og þjónustu að því leyti sem ekki er á um annað kveðið í samningnum.

6.12[Ef til staðar eru málefnalegar ástæður er réttlæta að vikið sé frá framangreindu ákvæði í gr. 6.3, um innritun eftir kennitölu, getur sjálfstætt starfandi leikskóli óskað eftir sérákvæði í samningi vegna þessa. Ákvæði þess efnis útfært eftir aðstæðum hverju sinni].

### III. kafli

#### **Gjaldskrá, dvalar- og fæðisgjöld**

##### 7. gr.

##### *Gjaldskrá*

7.1 Gjaldskrá leikskólans má aldrei vera hærri en sem nemur gjaldskrá SFS vegna náms og fæðis barna í leikskólum Reykjavíkurborgar, vegna náms og fæðis barna í leikskólanum, margfölduð með 2,15, vegna ungbarnaleikskóla og ungbarnadeilda eða 1.15 vegna leikskóla fyrir 18 mánaða börn til sex ára. Gjaldskrá SFS vegna leikskóla er samþykkt af borgarstjórn og getur breyst án fyrirvara, sjá nánar 6. gr. reglna Reykjavíkurborgar um leikskólþjónustu.

##### 8. gr.

##### *Náms- og fæðisgjöld*



8.1 Gjöld vegna náms og fæðis barna, einu nafni leikskólagjöld, í leikskólanum skulu miðast við gjaldskrá SFS sbr. 7. gr. Gjöldin renna milliliðalaust til leikskólans og er gerð mánaðarlegra reikninga fyrir leikskólagjöldum og innheimta þeirra á verksviði og ábyrgð leikskólans.

8.2 Komi til greina að leggja viðbótargjöld á foreldra er leikskólanum það heimilt að því gefnu að ekki sé gert ráð fyrir þjónustunni/kostnaðinum sem gjöldin eiga að standa undir í framlagi Reykjavíkurborgar til leikskólans, það er hann falli utan hefðbundins kostnaðar vegna leikskólastarfs hjá Reykjavíkurborg, sem dæmi má nefna bleyjukostnaður og kostnaður vegna þjónustu sem veitt er umfram umsaminn opnunartíma og á samningsbundnum lokunardögum.

8.3 Á hverjum reikningi til foreldra vegna leikskólagjalda skal meðal annars koma fram nafn og kennitala barns, lögheimili og fast aðsetur, tímabil sem rukkað er fyrir og meðalfjöldi dvalartíma á dag ásamt upplýsingum um keypt fæði, samanber morgunmat, hádegismat og síðdegishressingu. Leikskólinn skal vista afrit reikninga skipulega og aðgengilega, þannig að SFS geti sannreynt upplýsingarnar.

8.4 Leikskólinn skal jafnframt skrá ofangreindar upplýsingar, samkvæmt gr. 8.3 samningsins, um hvert barn í Völu leikskóla/umsýslukerfið. Barngildi og dvalargildi hvers barns eru skráð sjálfkrafa í Völu-umsýslukerfi, dvalargildi mánaðar í heild og barnafjöldi mánaðar í heild en leikskólinn staðfestir upplýsingar í heild.

#### IV. kafli

##### ***Húsnæði, búnaður og fjöldi starfsfólks***

##### 9. gr.

###### *Húsnæði, fjöldi barna og starfsfólks*

9.1 Gerð leikskólahúsnæðis, aðstæður og starfsumhverfi, skal taka mið af þörfum barna og þeirri starfsemi sem fram fer í leikskóla til samræmis við lög nr. 90/2008 um leikskóla og reglugerð nr. 655/2009, um starfsumhverfi leikskóla. Leggja skal áherslu á öruggt og rúmgott náms- og starfsumhverfi. Húsnæði og allur aðbúnaður skal taka mið af því að tryggja öryggi og vellíðan barna og starfsfólks, svo sem hvað varðar húsbúnað, hljóðvist, lýsingu og loftræstingu. Gert skal sérstaklega ráð fyrir rými fyrir skólaþjónustu vegna barna með stuðningsþarfir og vinnuaðstöðu starfsfólks. Við ákvörðun um fjölda starfsfólks ber að taka tillit til viðmiða SFS um barngildi sem fram koma í yfirliti yfir rekstrar- og húsnæðisframlag í viðauka 1 og/eða 2. Viðmið SFS geta tekið breytingum og gilda þá sömu breytingar og fyrir leikskólann.

9.2 Leikskólinn skal útbúa viðbragðsáætlun vegna faliðunar og ber honum að birta hana á heimasíðu sinni. Leikskólanum ber að tilkynna fagstjóra í Miðstöð ef til þess kemur að senda þurfi börn heim vegna faliðunar.

##### 10. gr.

###### *Lóð og húsnæði í eigu Reykjavíkurborgar eða framleigu*

10.1 Grein þessi gildir í þeim tilvikum þegar leikskólinn hefur til umráða samkvæmt leigusamningi við Eignasjóð Reykjavíkurborgar, lóð og húsnæði sem er í eigu Reykjavíkurborgar eða sem borgin framleigir til leikskólans.

10.2 Um er að ræða [tiltaka hér stærð lóðar og húsnæðis]



10.3 Leikskólinn skal leggja til leikföng og annan lausan búnað svo sem húsgögn, tölvubúnað o.s.frv. Leikskólinn skal halda sínum búnaði við og endurnýja hann eftir þörfum á samningstímanum.

10.4 Leigusamningur vegna lóðar, húsnæðis og búnaðar miðast við gildistíma samningsins.

10.5 Að því leyti sem ákvæði þessa samnings kunna að teljast ósamrýmanleg leigusamningi Eignasjóðs gilda ákvæði leigusamningsins.

10.6 Sé þjónustusamningi rift eða hann ekki endurnýjaður skal sá búnaður sem rekstraraðili lagði til vera eign hans.

#### 11. gr.

##### *Lóð og húsnæði í eigu leikskólans eða í leigu af þriðja aðila*

11.1 Grein þessi gildir í þeim tilvikum þegar lóð og húsnæði er í eigu leikskólans eða hann hefur tekið það af leigu af þriðja aðila.

11.2 Um er að ræða [tiltaka hér stærð lóðar og húsnæðis].

11.3 Rekstraraðili skal leggja til rekstursins allan nauðsynlegan stofnbúnað til leikskólastarfs svo sem borð, stóla, önnur húsgögn og föst leiktæki á lóð.

11.4 Rekstraraðili skal sinna viðhaldi á húsnæði og búnaði þannig að húsnæði og búnaður sé ávallt fullnægjandi til leikskólastarfs eða tryggja að leigusali annist viðhald með slíkum hætti.

11.5 Rekstraraðili skal leggja til leikföng og lausan búnað svo sem tölvubúnað o.s.frv. Rekstraraðili skal halda sínum búnaði við og endurnýja hann eftir þörfum á samningstímanum.

#### 12. gr.

##### *Úttekt á húsnæði og lóð*

12.1 Húsnæði, skólalóð og allur búnaður skal uppfylla kröfur laga nr. 90/2008 um leikskóla, reglugerðar nr. 655/2009 um starfsumhverfi leikskóla, aðalnámskrár leikskóla og laga nr. 46/1980 um aðbúnað, hollustuhætti og öryggi á vinnustöðum. Einnig ber að uppfylla kröfur heilbrigðis- og byggingaryfirvalda til slíkra mannvirkja. Jafnframt ber að tryggja að fram fari lögbundið eftirlit með leikvallartækjum og leiksvæðum. Leggja ber fram hjá SFS vottorð sem staðfesta framangreint .

#### 13. gr.

##### *Önnur starfsemi og notkun lóðar, húsnæðis eða búnaðar*

13.1 Leikskólinn skal ekki nýta lóð, húsnæði og búnað leikskólans í starfsemi sem talist getur ósambýðanleg leikskólarekstri, þ. á m. starfsemi sem getur talist falla undir lögreglusamþykkt fyrir Reykjavíkurborg, starfsemi sem tengist umsýslu og sölu tóbaks eða nikótínvara eða starfsemi sem gæti talist siðferðilega ámælisverð í samhengi við rekstur leikskóla eða valdið leikskólanum og SFS hnekki.

#### V. kafli

##### ***Fjárhagsleg ábyrgð og vátryggingar***

#### 14. gr.

##### *Fjárhagsleg staða og framsal samnings*



14.1 Leikskólinn ber fjárhagslega ábyrgð á allri framkvæmd samningsins og rekstri leikskólans. Réttarsamband leikskólans og viðskiptavinar hans er einkaréttarlegs eðlis og SFS óviðkomandi. Leikskólanum er óheimilt að framselja samninginn eða réttindi samkvæmt honum til þriðja aðila. Jafnframt er óheimilt að veðsetja samninginn eða tengja hann á nokkurn hátt öðrum álíka löggerningi. Þó er leikskólanum heimilt á eigin ábyrgð að semja við banka og lánastofnanir um forgangsroðun greiðslna sem berast samkvæmt samningnum upp í fjárhagslegar skuldbindingar leikskólans og annað slíkt sem hefðbundið þykir í viðskiptum við banka og lánastofnanir og fyrirtæki sem annast reikningakaup. SFS á hvorki aðild að slíkum samningi né ber ábyrgð á honum.

#### 15. gr

##### Um skaðabótaábyrgð leikskólans

15.1 Um skaðabótaábyrgð leikskólans fer eftir almennum reglum skaðabótaréttar.

15.2 Leikskólinn ber sjálfur ábyrgð á því tjóni, sem hann kann að verða fyrir við framkvæmd leikskólaþjónustu. Ennfremur ber leikskólinn ábyrgð á því tjóni eða slysum, sem hann kann að valda SFS eða þriðja aðila meðan á gildistíma samningsins og við framkvæmd leikskólaþjónustu auk þess tjóns er SFS eða þriðji aðili kann að verða fyrir við framkvæmd þess.

15.3 Leikskólinn skal vera með nauðsynlegar og viðeigandi tryggingar á eigin kostnað en með því er átt við slysatryggingar barna, slysatryggingar launþega (til samræmis við skyldur samkvæmt kjarasamningum), bruna-, vatns- og innbrotstryggingar lausafjármuna, frjálsa ábyrgðartryggingu og brunatryggingu húseigna til samræmis við skyldur húseigenda. Sé lóð og húsnæði í eigu þriðja aðila, skal leikskólinn, eftir atvikum og að breyttu breytanda, ganga úr skugga um að leigusali tryggi það með sama hætti og væri húsnæðið í eigu leikskólans.

#### 16. gr.

##### *Verktakar og kvittanir fyrir vátryggingum (keðjuábyrgð)*

16.1 Ef leikskólinn ræður verktaka í tiltekna verkþætti í leikskólann skal rekstraraðili leikskólans tryggja að þeir hafi sams konar vátryggingarvernd og greinir í gr. 15.3, enda telst hann að fullu ábyrgur vegna athafna eða athafnaleysi þeirra að því leyti sem verktakinn eða verkið sem hann vinnur fellur ekki undir vátryggingarvernd leikskólans. Óheimilt er að ráða verktaka til að sinna almennu faglegu leikskólastarfi en þó ekki vegna stöku aðkomu verktaka sem dæmi vegna danskennslu. Óheimilt er að ráða verktaka til starfa við leikskóla sem hlotið hefur refsidóm fyrir brot á ákvæðum XXII. kafla almennra hegningarlaga, sbr. gr. 3.6.

16.2 Leikskólinn skal sjá til þess að SFS geti haft í leikskólanum aðgang að öllum vátryggingaskírteinum og greiðslukvittunum fyrir iðgjöldum eða staðfestingum á að viðkomandi vátryggingar séu í gildi á hverjum tíma.

#### VI. kafli

##### ***Eftirlit og upplýsingagjöf***

#### 17. gr.

##### *Eftirlit*

SFS fer með eftirlit með efndum samningsins.

#### 18. gr.



## Upplýsingagjöf

18.1 Leikskólinn skal hafa rekstrar- og bókhaldslegar upplýsingar aðgengilegar fyrir SFS þegar eftir því er óskað í þeim tilgangi að sannreyna efndir leikskólans samkvæmt samningnum. Ef upplýsingar eru til staðar í gögnum sem þegar hafa verið birt opinberlega er heimilt að vísa til þess hvar þær er að finna. Jafnframt ber að veita SFS allar aðrar upplýsingar um starfsemi og fjárhag leikskólans sem nauðsynlegar kunna að vera vegna rannsókna eða úttekta sem SFS kann að framkvæma eða láta framkvæma og varða leikskóla. SFS er heimilt að afhenda fyrirbyggjandi upplýsingar um starfsemi og fjárhag leikskólans til þriðja aðila sem hefur undirgengist trúnaðarsamning gagnvart SFS reynist það nauðsynlegt vegna rannsókna eða úttekta á starfsemi leikskólans.

18.2 Árlega skal leikskólinn skila til SFS eftirfarandi gögnum:

1. Starfsáætlun fyrir komandi leikskólaár, byggða á skólanámskrá, ár hvert samkvæmt reglum og viðmiðum sviðsins hverju sinni sem í dag er 1. júlí ár hvert.
2. Ársskýrslu næstliðins leikskólaárs, fyrir lok ágúst ár hvert.
3. Skóladagatal leikskólans, fyrir 1. júlí ár hvert.
4. Gjaldskrá, fyrir lok ágúst, ár hvert. Veita ber upplýsingar um öll aukagjöld sem lögð eru á foreldra með staðfestingu foreldraráðs.
5. Breytingar á gjaldskrá skal tilkynna SFS þegar þær taka gildi.
6. Hlutfall fagmenntaðs starfsfólks, fjölda starfsfólks og starfshlutfall eigi síðar en 10. dag hvers næstlíðandi mánaðar ef breytingar verða.
7. Upplýsingum um húsnæði ef breytingar verða, s.s. hvort um sé að ræða húsnæði í eigu Reykjavíkurborgar, leiguhúsnæði á almennum markaði, húsnæði í eigu leikskólans eða í eigu fasteignafélags sem sé í eigu sama eignaraðila og rekstur leikskólans fer fram í. Einnig skal þess getið ef nán tengsl eða vensl eru milli leikskólans og eiganda húsnæðis. Skóla- og frístundasviði skal heimilt að kalla eftir afriti af leigusamningi ef þess þykir þörf.
8. Viðmið leikskólans um þörf á starfsfólki miðað við samsetningu barnahópsins og viðmið SFS, fyrir lok september ár hvert og þegar breytingar verða.
9. Endurskoðuðum ársreikningi skal skila fyrir 1. maí ár hvert, sjá nánar í 20. gr. samningsins. Hægt er að fá lengdan skilafrest til og með 31. ágúst.

Eftirfarandi upplýsingar skulu vera aðgengilegar í leikskólanum í þeim tilgangi að sannreyna efndir leikskólans samkvæmt samningnum:

1. Áætlun um innra mat á skólastarfi og innra mat sbr. 18. gr. laga 90/2008.
2. Vátryggingarskírteini og greiðslukvittanir fyrir iðgjöldum eða eftir atvikum staðfestingar á að viðeigandi vátryggingar séu í gildi, með hliðsjón af ákvæði 16.2 þessa samnings.
3. Dvalarsamningur og breytingar á honum, sbr. gr. 6.10
4. Upplýsingar um menntun starfsfólks og starfshlutfall, sbr. gr. 28.3.
5. Önnur gögn sem nauðsynleg eru í þeim tilgangi að sannreyna efndir leikskólans samkvæmt samningnum.

19. gr.

### Samþykki vegna greiðslu framlags og skoðun

19.1 SFS hefur rétt á að kanna upplýsingar sem leikskólinn byggir mánaðarlegt uppgjör á og gera rökstuddar athugasemdir ef við á og getur þá greiðsla frestast, að hluta eða öllu leyti.

Annars samþykkir SFS greiðslu á grundvelli skráninga í Völu leikskóla og greiðsla fer fram. Þrátt fyrir að SFS hafi samþykkt og greitt samkvæmt skráningu í Völu – leikskóla hefur SFS engu að síður rétt á að skoða uppgjör og forsendur þeirra á gildistíma samningsins, bera fram fyrirspurnir eða rökstuddar athugasemdir og taka upp eldri uppgjör, ef upplýsingar eða aðrar forsendur fyrir uppgjörum orka tvímælis. Leikskólinn skal veita SFS upplýsingar og aðstoð eftir þörfum við slíka vinnu. Eftir því sem við á á leikskólinn sambærilegan rétt til að taka upp eldri uppgjör.

#### 20. gr.

##### *Bókhald og endurskoðun ársreikninga*

20.1 Óháð ákvæðum 3. og 109. gr. laga nr. 3/2006, um ársreikninga, þ.m.t. ákvæði 7. mgr. 3. gr. laganna, skal leikskólinn semja ársreikning sem samræmist ákvæðum II. kafla reglugerðar nr. 696/2019, um framsetningu og innihald ársreikninga og samstæðureikninga. Ársreikningurinn skal áritaður af löggiltum endurskoðanda skv. 104. gr. laga nr. 3/2006 og 16. gr. laga nr. 94/2019, um endurskoðendur og endurskoðun. Í stað ákvæðis 6. tölul. 2. mgr. 16. gr. laga nr. 94/2019 skal áritunin innihalda mat á rekstrarhæfi leikskólans.

20.2 Leigi leikskólinn húsnæði af tengdum aðila eða kaupir af honum aðra þjónustu skal umfangsins getið í skýringunum ásamt mati á hvort viðskipti við tengda aðila hafi verið gerð á armslengdarkjörum eður ei.

20.3 Í skýringunum skal fjallað um kröfur eigenda á hendur leikskólanum og kröfur leikskólans á hendur eigendum og lagt mat á hvort slík viðskipti samræmist lögum og reikningssskilaaðferðum. Gögnunum ber að skila til SFS sbr. 9. tölulið í gr. 18.2. þessa samnings.

20.4 Greiði leikskólinn arð skal skila SFS ítarupplýsingum staðfestum af löggiltum endurskoðanda, um skiptingu tekna, þ.m.t. launa-, stjórnunar-, starfsmanna- og annars rekstrarkostnaðar, vegna þeirrar þjónustu sem veitt er borginni aðgreindri frá annarri starfsemi félagsins.

20.5 Ekki er gerð krafa um verktryggingu ef fyrir liggur staðfesting löggilts endurskoðanda með ársreikningi um að viðkomandi skóli sé rekstrarhæfur næstu 12 mánuði eftir uppgjörsdag.

#### 21. gr.

##### *Upplýsingagjöf til Innri endurskoðunar Reykjavíkurborgar*

21.1 Leikskólanum ber að láta Innri endurskoðun og ráðgjöf Reykjavíkurborgar í té þær upplýsingar sem hún kann að óska eftir með vísan til starfssviðs hennar, verkefna og hlutverks skv. 1. mgr. 2. gr. og 4. gr. samþykktar fyrir Innri endurskoðun og ráðgjöf Reykjavíkurborgar og innri endurskoðanda.

### VII. kafli

#### **Rekstrar- og húsnæðisframlag**

#### 22. gr.

##### *Fjöldi barna og vistunartími*

22.1 Fjöldi barna sem greitt er framlag vegna á aldrinum 12 mánaða til sex ára er að hámarki [fjöldi barna] og þar af [fjöldi barna] á aldrinum 12 til 18 mánaða nema rekstrarleyfi leikskólans kveði á um færri börn. Ákvæði þetta á við um þá leikskóla sem eru með ungbarnadeild.

10  
HK



22.2 Fjöldi barna sem greitt er framlag vegna á aldrinum 18 mánaða til sex ára er að hámarki [fjöldi barna] nema rekstrarleyfi leikskólans kveði á um færri börn. Ákvæði þetta á við um þá leikskóla sem eru ekki með ungbarnadeildir.

22.3 Fjöldi barna sem greitt er framlag vegna á aldrinum 9/12 mánaða til 36 mánaða er að hámarki [fjöldi barna] nema rekstrarleyfi leikskólans kveði á um færri börn. Ákvæði þetta á við um ungbarnaleikskóla.

22.4 Ef rekstrarleyfi leikskólans breytist með þeim hætti að börnum samkvæmt því fækki er greitt framlag vegna þess fjölda. Barn sem dvelur í leikskólanum í 5,5 klst. á dag eða skemur telst vera í hálf dagsvistun, barn sem dvelur í 6 klst. á dag eða lengur í leikskólanum telst vera í heils dagsvistun. Tvö börn í hálf dagsvistun reiknast sem eitt barn í heils dagsvistun.

22.5 Fjöldi niðurgreiddra dvalarstunda er í samræmi við 1. mgr. gr. 1.b í reglum Reykjavíkurborgar um leikskólaþjónustu, nú 42,5 klukkustundir innan vikunnar frá mánudegi til föstudags.

### 23. gr.

#### *Skilyrði fyrir framlagi SFS*

23.1 SFS greiðir framlag vegna barns sem dvelur í leikskólanum ef það er með lögheimili og fasta búsetu í Reykjavík og foreldrar þess eru ekki í vanskilum með leikskólagjöld við SFS. Áður en leikskóladvöl barns hefst ber leikskólanum að kanna hvort skilyrðum framlags sé fullnægt, þ.m.t. hvort foreldrar séu í vanskilum með leikskólagjöld.

23.2 Einungis er greitt framlag með barni vegna vistunar á einum stað í einu, þ.e. í leikskóla eða hjá dagforeldri. SFS greiðir framlag vegna barns meðan uppsagnarfrestur er í gildi, þó að hámarki í einn mánuð og skal uppsögn miðast við 1. og 15. dag hvers mánaðar. Framlag er ekki greitt fyrir barn sem byrjar í vistun á nýjum stað fyrr en að uppsagnarfrestur er liðinn.

23.3 Hefji barn nám í grunnskóla fellur niður réttur til framlags.

### 24. gr.

#### *Greiðsla framlags og meðferð rekstrarframlags*

24.1 Rekstrar- og húsnæðisframlag er greitt mánaðarlega, eigi síðar en 20. hvers mánaðar fyrir yfirstandandi mánuð að því gefnu að leikskólinn uppfylli sínar samningsskyldur. Ekki er greitt í júlí mánuði.

24.2 Greitt er í samræmi við upplýsingar í leikskólakerfinu Völu eða á öðru formi, samkvæmt ákvörðun SFS, sem er lesanlegt í Völu. Þar skráir leikskólinn upplýsingar um öll börn sem uppfylla skilyrði um greiðslu framlags. Veita þarf m.a. upplýsingar um nöfn allra barna, forsjáraðila, kennitölur, lögheimili, tímabil vistunar barns í yfirstandandi mánuði, fjölda dvalarstunda samkvæmt dvalarsamningi og upplýsingar um hlutfall fagmenntaðra starfsfólks leikskólans.

24.3 Ef foreldrar sækja ekki um á vef Reykjavíkurborgar þarf að skrá upplýsingar vegna herra framlags, s.s. vegna námsmanna, öryrkja og einstæðra foreldra í leikskólakerfið Völu. Skráning skal eingöngu gerð þegar öll skilyrði samningsins eru uppfyllt, auk þess sem viðeigandi vottorð, umsóknir eða staðfestingar þurfa að fylgja, sjá nánar í reglum SFS um leikskólaþjónustu og gjaldskrá SFS vegna leikskóla Reykjavíkur á [reykjavik.is](http://reykjavik.is).

24.4 Leikskólastjóri þarf að staðfesta skráningu upplýsinga (bunka) fyrir hvern mánuð, í síðasta lagi 10. hvers mánaðar. Ef frestun verður á staðfestingu (bunkun) getur orðið samsvarandi frestun á greiðslu framlags til leikskólans.

24.5 Leikskólinn innheimtir sjálfur greiðslur frá foreldrum samkvæmt gjaldskrá skólans.

24.6 Rekstrar- og húsnæðisframlag verður ekki greitt lengra aftur í tímann en 3 mánuði frá umsóknardegi. Ef SFS hefur greitt framlag fyrir barn, t.d. vegna annarrar vistunar, verður rekstrar- og húsnæðisframlag lækkað um sömu fjárhæð.

24.7 Ef leikskólinn verður var við mistök í greiðslu framlags ber honum að tilkynna SFS um þau án tafar.

24.8 Rekstrarafgang af starfsemi leikskólans sem rekja má til fjárveitinga Reykjavíkurborgar skal nýta til að þróa leikskólastarfið. Þrátt fyrir það er rekstraraðila sem rekur leikskóla í einkahlutafélagi heimilt að ráðstafa allt að 75% af rekstrarafgangi ársins til útgreiðslu arðs. Í ítarupplýsingum leikskólans samkvæmt gr. 20.4 skal gerð grein fyrir því hvernig framangreindur rekstrarafgangur er metinn og hvernig honum er varið. Ef að leikskólinn er rekinn af rekstraraðila sem jafnframt rekur grunnskóla í sama félagi gildir hins vegar sú meginregla sem sett er í lokamálsgrein 8. gr. reglugerðar um sjálfstætt rekna grunnskóla þar sem segir „Óheimilt er að taka fjármuni sem rekja má til opinberra fjárveitinga í formi arðgreiðslu eða öðrum fjárhagslegum ávinningi fyrir eigendur sem ekki tengist rekstri og skólastarfi. Þessi takmörkun á einnig við ef hinn sjálfstætt rekni skóli er seldur“.

[25. gr.

#### *Rekstrarframlag fyrir börn frá 12/18 mánaða til 6 ára*

25.1 SFS greiðir rekstrarframlag með þeim börnum sem dvelja í leikskólanum á hverjum tíma frá (a) frá 12 til 18 mánaða aldri vegna barna á ungbarnadeild og/eða (b) 18 mánaða aldri [vegna annarra barna] þar til barn hefur grunnskólagöngu um 6 ára aldur. Það er skilyrði greiðslu að leikskólinn hafi staðið við þær skyldur sem á honum hvíla samkvæmt 23. og 24. gr. Heildarfjöldi barna sem heimilt er að greiða framlag vegna á aldrinum 18 mánaða til sex ára er samanlagður fjöldi barna samkvæmt samningi vegna barna á aldrinum 18 mánaða til sex ára og samkvæmt samningi um ungbarnadeild 12 til 18 mánaða. Hinsvegar getur fjöldi barna á aldrinum 12 til 18 mánaða ekki verið umfram þann fjölda sem tilgreindur er í samningi vegna ungbarnaeildar. Þannig munu greiðslur framlags ekki falla niður þegar börn ná 18 mánaða aldri á þeim grundvelli einum að heimild til greiðslu framlags vegna tilgreinds fjölda á aldrinum 18 mánaða til 6 ára, sé fullnýttur. Hins vegar breytist framlagið til samræmis við það að greitt verður með þeim börnum til samræmis við framlög vegna eldri barna.

25.2 Rekstrarframlagið er byggt á áætluðum heildarkostnaði við börn í borgarreknun leikskólum, samkvæmt fjárhagsáætlun ársins, þ.e. áætluðum rekstrarkostnaði leikskóla Reykjavíkurborgar, á ársgrundvelli, þ.e. fyrir 12 mánaða tímabil að viðbættri fjárhæð vegna sameiginlegs kostnaðar leikskóla sem ekki er áætlaður á leikskóla Reykjavíkurborgar og að frádreginni húsaleigu og kostnaði vegna þjónustu og umsýslu vegna sjálfstætt starfandi leikskóla.

25.3 Heildarkostnaður (án húsaleigu og sértæks stuðnings) við hvert barn er tvískiptur, annars vegar kostnaður pr. barn í heilsdagsvistun og hins vegar kostnaður pr. dvalargildi, þ.e. vistunartími margfaldaður með barngildisstuðli. Rekstrarframlag á hvert barn er því reiknað út í tvennu lagi, fjárhæð pr. barn í heilsdagsvistun og fjárhæð pr. dvalargildi. Barn sem dvelur í leikskólanum í 5,5 klst. á dag eða skemur telst vera í hálfsvistun, barn sem dvelur í 6 klst. á dag eða lengur í leikskólanum telst vera í heilsdagsvistun. Tvö börn í hálfsvistun reiknast sem eitt barn í heilsdagsvistun. Fjöldi dvalargilda fyrir hvert barn fer eftir fjölda dvalarstunda og aldri barns.

25.4 Áætlaður heildarkostnaður er skilgreindur nánar í yfirliti yfir rekstrar- og húsnæðisframlag í viðauka [1 og/eða 2].

[26. gr.

### *Rekstrarframlag fyrir börn á aldrinum 9/12 mánaða til 36 mánaða, ungbarnaleikskólar*

26.1 SFS greiðir rekstrarframlag með þeim börnum sem dvelja í leikskólanum á hverjum tíma frá 12 mánaða aldri vegna barna hjóna og sambúðarfólk og frá 9 mánaða aldri fyrir börn einstæðra foreldra og námsmanna, ef skilyrði 23. og 24. gr. samningsins eru uppfyllt. Rekstrarframlag er greitt með börnum þar til þau verða 36 mánaða.

26.2 Rekstrarframlagið er byggt á áætluðum heildarkostnaði (án húsaleigu og sértæks stuðnings ) við börn í borgarreknum leikskólum, samkvæmt fjárhagsáætlun ársins, þ.e. áætluðum rekstrarkostnaði borgarrekinnna leikskóla, á ársgrundvelli fyrir 12 mánaða tímabil að viðbætti fjárhæð vegna sameiginlegs kostnaðar borgarrekinnna leikskóla sem ekki er áætlaður á borgarrekna leikskóla og að frádreginni húsaleigu, sértæks stuðnings og kostnaði vegna þjónustu og umsýslu vegna sjálfstætt starfandi leikskóla.

26.3 Heildarkostnaður (án húsaleigu og sértæks stuðnings ) við hvert barn er tvískiptur, annars vegar kostnaður pr. barn í heilsdagsvistun og hins vegar kostnaður pr. dvalargildi, þ.e. vistunartími margfaldaður með barngildisstuðli. Rekstrarframlag á hvert barn er því reiknað út í tvennu lagi, fjárhæð pr. barn í heilsdagsvistun og fjárhæð pr. dvalargildi. Barn sem dvelur í leikskólanum í 5,5 klst. á dag eða skemur telst vera í hálfsdagsvistun, barn sem dvelur í 6 klst. á dag eða lengur í leikskólanum telst vera í heilsdagsvistun. Tvö börn í hálfsdagsvistun reiknast sem eitt barn í heilsdagsvistun. Fjöldi dvalargilda fyrir hvert barn fer eftir fjölda dvalarstunda og aldri barns.

26.4 Áætlaður heildarkostnaður er skilgreindur nánar í yfirliti yfir rekstrar- og húsnæðisframlag í viðauka 1 og/eða 2.

### 27. gr.

#### *Útreikningur rekstrarframlags*

27.1 Rekstrarframlag fyrir hvert barn er reiknað út á eftirfarandi hátt:


Í þann hluta heildarkostnaðar (án húsaleigu og sértæks stuðnings ) á ársgrundvelli sem er áætlaður pr. barn í heilsdagsvistun er deilt með áætluðum fjölda heilsdagsplássna í leikskólum Reykjavíkurborgar.

Mánaðarlegt rekstrarframlag fyrir hvert barn nemur 1/11 af árlegum heildarkostnaði að frádreginni mánaðarlegri hámarksgreiðslu foreldra, þ.e. greiðslu skv. gjaldskrá Reykjavíkurborgar vegna leikskóla sbr. 8. gr. þ.e. greiðslu skv. gjaldskrá skóla- og frístundasviðs vegna leikskóla Reykjavíkur margfölduð með 2,15 vegna ungbarnadeilda og ungbarnaleikskóla og/eða 1,15 vegna leikskóla fyrir börn á aldrinum 18 mánaða til sex ára, sjá nánar í yfirliti yfir rekstrar- og húsnæðisframlag í viðauka 1 og/eða 2. Rekstrarframlagið er greitt út mánaðarlega með ellefu greiðslum en ekki er greitt í júlí.

### 28. gr.

#### *Útreikningur dvalargildis*

28.1 Fjárhagsáætlun SFS vegna leikskóla Reykjavíkurborgar liggur til grundvallar útreikningi rekstrarframlagsins, sem byggir á meðalfjárheimild pr. barn í leikskólum borgarinnar að viðbættum sameiginlegum kostnaði en að frádregnum fjárheimildum vegna húsnæðiskostnaðar og stuðnings. Rekstrarframlagið endurskoðast árlega eftir að fjárhagsáætlun samkvæmt framangreindu hefur verið samþykkt, almennt í janúar ár hvert. Framlagið verður einnig endurskoðað ef breytingar verða í laga- og rekstrarumhverfi Reykjavíkurborgar, s.s. vegna breytinga á lögum, reglugerðum og kjarasamningum, fjárhagsáætlun Reykjavíkurborgar eða vegna kröfu um hagræðingu í rekstri, sbr. samþykktu

  
13

fjárhagsáætlun. Mun SFS upplýsa um breytinguna svo fljótt sem verða má og eigi síðar en 14 dögum eftir að hún tekur gildi gagnvart leikskólum.

28.2 Framlag fyrir hvert dvalargildi er reiknað út á eftirfarandi hátt:

Í þann hluta heildarkostnaðar (án húsaleigu og sértæks stuðnings) á ársgrundvelli sem er áætlaður pr. dvalargildi er deilt með áætluðum fjölda dvalargilda í leikskólum Reykjavíkurborgar.

Mánaðarlegt rekstrarframlag fyrir hvert dvalargildi nemur 1/11 af árlegum grunni að framlagi að frádreginni mánaðarlegri hámarksgreiðslu foreldra, þ.e. greiðslu skv. gjaldskrá SFS vegna leikskóla sbr. 7. gr., margfölduð með 2,15 vegna ungbarnadeilda og ungbarnaleikskóla og/eða 1,15 vegna leikskóla fyrir börn á aldrinum 18 mánaða til sex ára. Rekstrarframlagið er greitt út mánaðarlega með ellefu greiðslum en ekki er greitt í júlí.

Fjárhæð pr. barn á mánuði kemur fram í yfirliti yfir rekstrar- og húsnæðisframlag í viðauka 1 og/eða 2.

28.3 Hlutfall fagmenntaðra starfsfólks leikskólans reiknast til hækkunar eða lækkunar framlags fyrir hvert dvalargildi í samræmi við yfirlit yfir rekstrar- og húsnæðisframlag í viðauka [1 / 2]. Leikskólanum ber að veita SFS upplýsingar um fagmenntun starfsfólks í gegnum skráningar- og upplýsingakerfið Völu leikskóla. Veiti leikskólinn ekki þær upplýsingar er gengið út frá því við greiðslu framlags að engir starfsmenn séu með fagmenntun. Skilgreining á fagmenntuðu starfsfólki kemur fram í yfirliti yfir rekstrar- og húsnæðisframlag í viðauka [1 og/eða 2] og getur tekið breytingum. Heimilt er að endurskoða hlutfall fagmenntaðs starfsfólks og prósentuhlutfall á hækkun/lækkun greiðslu.

28.4 Gert er ráð fyrir að öll börn taki sumarleyfi í 4 vikur og að leikskólanum sé heimilt að loka vegna skipulagsdaga í sex daga á ári, sem er sami dagafjöldi og hjá leikskólum Reykjavíkurborgar, án þess að rekstrarframlag skerðist.

28.5 Hærra framlag með börnum einstæðra foreldra, öryrkja og námsmanna og hærra framlag vegna systkina er háð skilyrðum reglna um leikskólaláþjónustu. Hærra framlag er ekki greitt afturvirk og miðast við þann dag er gögnum er skilað til SFS. Þó er heimilt að leiðrétta framlag einn mánuð aftur í tímann ef foreldri hefur t.d. láðst að sækja um afslátt og öllum skilyrðum var fullnægt á þeim tíma til samræmis við reglur um leikskólaláþjónustu.

29. gr.


#### *Húsnæðisframlag*

29.1 SFS greiðir húsnæðisframlag fyrir börn með lögheimili í Reykjavík sem dvelja í leikskólanum á hverjum tíma.

29.2 Framlag vegna húsnæðiskostnaðar tekur mið af fjölda barna með lögheimili í Reykjavík í leikskólanum og skal miðast við að fermetra fjöldi pr. barn sé á bilinu 6-8 fm. pr. barn og 4.200 kr. pr. fermetra (miðað við 11 mánaða greiðslu), að hámarki skal miða við 8 fm. Fjárhæðin uppfærast fjórum sinnum á ári í samræmi við breytingu á húsnæðislið vísitölu neysliverðs (þ.e. 041 Greidd húsaleiga, 268,9 stig janúar 2024) í janúar, apríl, júlí og október. Ef fm fjöldi pr. barn er minni en 6 fm þá skerðist framlagið hlutfallslega frá þeirri viðmiðunartölu.

29.3 Sé leikskóli í húsnæði í eigu Reykjavíkurborgar þá skal húsnæðisframlagið þó aldrei vera hærra en sem nemur innri leigu sem leikskólinn greiðir til Eignasjóðs Reykjavíkurborgar margfölduðu með hlutfalli reykvískra barna af heildarfjölda barna.

30. gr.



### *Aukaframlag vegna rekstrarþátta*

30.1 Greitt er aukaframlag vegna jafnlaunavottunar, trygginga og endurskoðunar ársreikninga kr. 3.500 á mánuði með hverju barni með lögheimili í Reykjavík sem innritað er í leikskólann. Ekki er greitt vegna júlí mánaðar.

Sundurliðun fjárhæðarinnar er með eftirfarandi hætti: Greiddar eru vegna jafnlaunavottunar kr. 1.000, vegna endurskoðunar ársreikninga kr. 1.500 og vegna trygginga kr. 1.000. Fjárhæðin skal uppreiknuð í janúar á ári hverju og skal miða við gildi neysluvörusíðu 1. janúar 2025 sem grunn.

### 31. gr.

#### *Endurkrafa á ofgreiddu framlagi*

31.1 Komi í ljós að SFS hafi ofgreitt framlag af einhverjum ástæðum, t.d. vegna rangra upplýsinga eða mistaka mun SFS lækka framlag til leikskólans við næstu greiðslu sem því nemur eða krefjast endurgreiðslu þrátt fyrir að barn sem ofgreitt hefur verið vegna sé hætt í leikskólanum. Rekstraraðili getur óskað eftir að endurgreiðslu verði skipt á þrjá mánuði.

### VIII. kafli

#### ***Gildistími, endurskoðun, uppsögn, vanefndir, viðurlög og þagnarskylda***

### 32. gr.

#### *Gildistími, endurskoðun og uppsögn samnings*

32.1 Samningurinn gildir frá 1. janúar 2025 til og með 31. desember 2028 og fellur þá úr gildi án þess að þörf sé á uppsögn eða tilkynningar.

32.2 Samningsaðilar geta hvenær sem er á samningstímanum óskað eftir endurskoðun á ákvæðum hans. Skal afstaða til rökstuddar beiðni um endurskoðun liggja fyrir með skriflegum hætti innan mánaðar frá því að hún var lögð fram sé þess kostur.

32.3 Sex mánuðum áður en samningstími rennur út skulu samningsaðilar taka ákvæði samningsins til endurskoðunar og taka ákvörðun um hvort að hann skuli framlengdur með eða án breytinga og þá til hve langs tíma.

32.4 Ef gerðar eru breytingar á samningnum í kjölfar endurskoðunar eða hann framlengdur skal gerður um það sérstakur viðbótarsamningur.

32.5 Samningurinn er uppsegjanlegur af beggja hálfu með sex mánaða fyrirvara á samningstíma og miðast uppsagnarfrestur við mánaðamót. Tilkynning um uppsögn skal vera skrifleg og afhent með sannanlegum hætti.

32.6 Gerður er fyrirvari af hálfu SFS um fjárhagslegar skuldbindingar samkvæmt samningnum eftir fyrsta ár samningsins en framlag getur lækkað verði fjárhagsrammi SFS skertur.

32.7 Litið er svo á að samningur aðila, dags. [dags. samnings ] með síðari viðaukum, haldi gildi sínu þar til samningur þessi tekur gildi þann 1. janúar 2025.

### 33. gr.

#### *Vanefndir og viðurlög*



33.1 Leikskólinn skal upplýsa SFS svo fljótt sem verða má ef að rekstur leikskólans stefnir í að ógna rekstrarhæfi eða gjaldhæfi hans.

33.2 Ef verulegar vanefndir verða á einstökum ákvæðum samningsins hvað varðar starfsemi leikskólans að mati SFS og þær varða velferð barna í leikskólanum, skal hann gera leikskólanum skriflega grein fyrir því og óska úrbóta innan sanngjarns tíma miðað við eðli máls. Leikskólinn skal svo fljótt sem auðið er finna leiðir til úrbóta og framkvæma þær. Telji SFS úrbætur ófullnægjandi er honum heimilt að segja upp samningnum og fellur hann þá þegar úr gildi.

33.3 Ef líklegt þykir að fjárhagsstaða rekstraraðila leikskólans muni standa rekstrinum fyrir þrifum er SFS heimilt með 7 daga fyrirvara að óska tafarlausra úrbóta á fjárhagsstöðunni og ef ekki er orðið við því þá segja samningunum upp og fellur hann þá þegar úr gildi. Það skal vera sameiginlegt mat SFS og endurskoðenda leikskólans ef svo er talið. Upplýsingar úr ársreikningi leikskólans eða aðrar utanaðkomandi upplýsingar geta á hverjum tíma leitt til sérstakrar skoðunar á fjárhagsstöðu rekstraraðila.

33.4 Ef fyrir liggur að rekstrarhæfi eða gjaldhæfi rekstraraðila leikskólans er ábótavant að mati SFS getur Reykjavíkurborg sagt upp eða eftir atvikum rift þjónustusamningi við rekstraraðila leikskólann eða ákveðið að gera ekki nýjan samning.

#### 34. gr.

##### *Force Majeure*

34.1 Hvorugur aðili verður talinn hafa brotið gegn samningi þessum, þegar honum er ókleift að uppfylla samningsskyldur sínar vegna atvika, sem rekja má til óviðráðanlegra ytri atvika (force majeure), s.s. vegna alvarlegra slysa, stríðsátaka, náttúruhamfara, deilna á vinnumarkaði, fyrirmæla stjórnvalda eða annarra óvæntra og ófyrirséðra atvika, sem samningsaðilum er ekki unnt að fyrirbyggja.

#### 35. gr.

##### *Varnarþing*


35.1 Rísi mál út af samningi þessum skal það rekið fyrir Héraðsdómi Reykjavíkur.

#### 36. gr.

##### *Undirritun*

36.1 Þessi samningsdrög sem undirrituð eru með fyrirvara, eru gerð í tveim eintökum, eitt handa Reykjavíkurborg og eitt handa Sjálfstæðum skólum.

Reykjavík, 16. október 2024



F.h. skóla- og frístundasviðs  
með fyrirvara um samþykki borgarráðs



Fyrir hönd Sjálfstæðra skóla með fyrirvara  
um samþykki félagsmanna

Viðaukar:

Viðauki 1: Um rekstrar- og húsnæðisframlag vegna eldri barna

Viðauki 2: Um rekstrar- og húsnæðisframlag vegna ungbarnaleikskóla og ungbarnadeild

Viðauki 3: Reglur um leikskólalþjónustu

Viðauki 4: Reglur Reykjavíkurborgar um styrki







Reykjavík, 16. október 2024

Skóla- og frístundasvið Reykjavíkurborgar (hér eftir skammstafað SFS) og Sjálfstæðir skólar – fjölbreytt samfélag skóla (hér eftir nefndir *Sjálfstæðir skólar*) hafa gert með sér samning um framlag vegna rekstur leikskóla sem er fyrirmynd að þjónustusamningi Reykjavíkurborgar við sjálfstætt starfandi leikskóla í Reykjavík. Samningurinn er gerður með fyrirvara um samþykki borgarráðs og félagsfundar Sjálfstæðra skóla.

Í ljósi umræðna á fundum í aðdraganda samningsgerðarinnar leggja samningsaðila fram eftirfarandi bókanir, eftir atvikum sameiginlega eða hver fyrir sig, með vísan til ákvæða samningsins og viðauka í honum:

### **Bókun 1: Bókun Sjálfstæðra skóla við ákvæði 16. gr. samningsins**

Í fyrirsögn 16. gr. samningsins er vísað til keðjuábyrgðar innan sviga. Af hálfu Sjálfstæðra skóla skal fram tekið að í engu skilja samtökin efni ákvæðisins né fyrirsögn þess með þeim hætti að í ljósi tilvistar þess takist sjálfstæðir leikskólar, sem undirgangast þjónustusamning við Reykjavíkurborg eða SFS, á hendur keðjuábyrgð í skilningi ákvæða 88. gr. a. laga nr. 230/2016, um opinber innkaup. Ákvæði gr. 16.1 samningsins snýr að vátryggingavernd sem skólanum ber að sé til staðar vegna vinnu verktaka í skólanum, t.d. byggingarverktaka sem annast viðhald, ræstingar o.fl. sem ekki koma að faglegu leikskólastarfi. Með ákvæðinu gengst leikskólinn svo dæmi sé tekið ekki í ábyrgð á launakjörum starfsmanna verktaka, sjúkra- og slysatryggingum eða öðrum réttindum þeirra sem tengjast kjarasamningum eða lagaskyldum sem hvíla á verktaka.

### **Bókun 2: Sameiginleg bókun SFS og Sjálfstæðra skóla vegna viðauka í samningnum**

Í ýmsum greinum samningsins er vísað til viðauka, á stundum viðauka 1/2, þar sem m.a. skal nánar fjallað um viðmið SFS um barngildi, skilgreiningu heildarkostnaðar (25.4 og 26.4), útreikning rekstrarframlags og yfirlit yfir rekstrar- og húsnæðisframlag (27), fjárhæð per barn á mánuði (28.2) og hlutfall fagmenntaðs starfsfólks og skilgreining á fagmenntuðu starfsfólki (28.3).

Hvað útreikning rekstrarframlags, yfirlit rekstrar- og húsnæðisframlag auk fjárhæðar per barn á mánuði varðar liggja endanlegir viðaukar ekki fyrir við undirritun samningsins þar sem samningnum er ætlað að taka gildi hinn 1. janúar 2025 og fjárhagáætlun SFS vegna ársins 2025 liggur ekki fyrir. Á fundum í aðdraganda samningsgerðar voru framangreind atriði hins vegar rædd og komist að samkomulagi um forsendur og útreikninga sem eru samningsaðilum ljósar, þ.e. að við útreikning rekstrar- og dvalargildisframlags er lögð til grundvallar áætlun Reykjavíkurborgar fyrir leikskóla að frádreginni innri leigu og leigu til þriðja aðila, sjá nánar í samningi. Hvað varðar húsnæðisframlag þá grundvallast það á barnafjölda margfölduðum með 33.600 krónum sem er grunnfjárhæð sem uppreiknast

 1

skv. ákvæðum samningsins. Til viðbótar skulu greiddar 3.500 krónur pr. barn á mánuði til sértæks kostnaðar s.s. jafnlaunavottunar, endurskoðunar og trygginga.

Hvað hlutfall fagmenntaðs starfsfólks og skilgreiningu á fagmenntuðu starfsfólki varðar var niðurstaðna samningaviðræðna SFS og Sjálfstæðra skóla sú að miða skuli við það faghlutfall sem Reykjavíkurborg birtir á vefnum „SFS í tölum“ þar sem fram kemur hlutfall fag- og uppeldismenntaðra starfsmanna í leikskólum Reykjavíkurbogar. Markmiðið er að við mat á hlutfalli fagmenntaðra í sjálfstætt starfandi leikskólum sé tryggt að verið sé að telja sömu fagmenntunina í faghlutfallið. <https://menntastefna.is/gaedastarf/tolfraedi/>.

Samningsaðilar eru sammála um að um alla framangreinda þætti verði fjallað í viðaukum við samninginn sem verða gerðir þegar fjárhagsáætlun SFS liggur fyrir og verði hluti af samningnum. Þá eru samningsaðilar sammála um að til grundvallar gerð viðaukanna skuli byggt á framangreindum lýsingum.

### **Bókun 3: Sameiginleg bókun um leiðréttingar og greiðslur framlaga SFS til sjálfstæðra leikskóla vegna þess sem af er liðið árinu 2024**

Með tölvupósti til sjálfstæðra leikskóla í Reykjavík, dags. 18. janúar 2024, tilkynnti SFS sjálfstæðum leikskólum í Reykjavík að greiðsla framlags til sjálfstæðra leikskóla í Reykjavík vegna janúar 2024 færi fram með miðað við forsendur samnings og útreikninga frá desember 2023 og jafnframt með fyrirvara um að gerður yrði samningur við leikskólann vegna janúar 2024 þegar nýr samningur liggur fyrir. Hafa framlagsgreiðslur til leikskólanna frá þessum tíma tekið mið af forsendu, samnings og útreikninga frá desember 2023.

Við gerð samningsins urðu samningsaðilar ásáttir um að framkvæmd skyldi leiðrétting á framlögum SFS til sjálfstæðu leikskólanna innan Reykjavíkurbogar þannig að staða þeirra verði í fjárhagslegu tilliti jöfn þeirri stöðu sem þeir hefðu notið hefðu samningar þeirra við SFS, sem runnu út í lok árs 2023, verið framlengdir út árið 2024 og fjárhæðir tekið þeim breytingum sem áskilið er m.a. vegna kjarasamninga. Nánar tiltekið verður leiðréttingunni þannig háttað að áætlun Reykjavíkurbogar fyrir borgarrekna leikskóla á árinu 2024 verður lögð til grundvallar útreikningi á rekstrar-, dvalargildis- og húsnæðisframlögum. Framlögin verði endurreiknuð og mismuninum á þegar greiddu framlagi og endurútreikningi verði greitt út í nóvember 2024.


### **Bókun 4: Sameiginleg bókun um ákvæði gr. 28.2**

Í samningaviðræðunum fóru Sjálfstæðir skólar fram á að þeim yrði ekki gert skylt að innheimta hærra leikskólagjald en leikskólum Reykjavíkurbogar eins og verið hefur. Frá því á árunum eftir bankahrunið hefur sjálfstæðum leikskólum sem gert hafa þjónustusamning við SFS verið skylt að leggja 15% álag á leikskólagjöld foreldra barna á aldrinum 18 mánaða til sex ára og 115% álag á leikskólagjöld foreldra barna á

*M.H.*

ungbarnadeildum og ungbarnaleikskólum. Tekjur sem af álaginu hlotnast hafa verið dregnar frá samningsbundnum framlögum Reykjavíkurborgar til sjálfstæðu leikskólanna.

Í sem allra stystu máli mætti krafa Sjálfstæðra skóla skilningi af hálfu SFS. Hins vegar telur SFS sig ekki hafa heimild til samninga í þá veru. Í samningaviðræðunum lýsti SFS yfir vilja til að koma til móts við framangreinda kröfu á tímabili þeirra samninga sem taka munu við af samningnum sem nú er gerður. Var í því samhengi rætt um að sérstakar viðræður yrðu teknar upp milli SFS og Sjálfstæðra skóla á gildistíma samningsins.





## FYRIRVARI

samninganefndar Sjálfstæðra skóla – fjölbreytts samfélags skóla - vegna undirritunar *Samnings um framlag vegna rekstur leikskóla: Fyrirmyndar að þjónustusamningi Reykjavíkurborgar við sjálfstætt starfandi leikskóla í Reykjavík* (hér eftir nefndur samningurinn).

Hinn 16. október 2024 ritar samninganefnd Sjálfstæðra skóla – fjölbreytts samfélags skóla undir samninginn með fyrirvara þess efnis að samninganefndin nýtur ekki umboðs til að skuldbinda sjálfstæða leikskóla innan Reykjavíkur með undirritun sinni. Hver sjálfstæður leikskóli er ekki bundinn af undirritun samninganefndarinnar heldur mun einvörðungu undirritun fyrirsvarsmanns hvers sjálfstæðs leikskóla fela í sér þá þær skuldbindingar sem kveðið er á um í samningnum. Þá er undirritun samninganefndarinnar jafnframt háð þeim fyrirvara að hana þarf að staðfesta á löglegum félagsfundi Sjálfstæðra skóla – fjölbreytts samfélags skóla.

Þessu til staðfestu rita nöfn sín eftirfarandi fulltrúar samninganefndar Sjálfstæðra skóla – fjölbreytts samfélags skóla:

  
Alma Guðmundsdóttir

  
Jón Örn Valsson

  
Sigríður Anna Guðjónsdóttir





**Viðtakandi:** Borgarráð

**Sendandi:** Fjármála- og áhættustýringarsvið

Reykjavík, 18. nóvember 2024

MSS22100084

## UMSÖGN

### Umsögn FAS um samning skóla og frístundasviðs (SFS) við sjálfstætt starfandi leikskóla (SSL)

Óskað hefur verið eftir umsögn fjármála- og áhættustýringarsviðs vegna nýs þjónustusamnings Reykjavíkurborgar við sjálfstætt starfandi leikskóla í Reykjavík um framlag vegna reksturs.

Samkvæmt minnisblaði skóla- og frístundasviðs er í nýjum samningi það sem markverðast er að lögð er áhersla á samræmt umsóknar- og innritunarkerfi fyrir leikskóla, en í því felst að allar umsóknir um leikskólapláss í Reykjavík fara inn í samræmt kerfi og er úthlutun á plássum stýrt þaðan, breyting er gerð á viðmiði um faghlutfall starfsmanna og þá mun Reykjavíkurborg greiða sérstakt framlag, 3.500 pr. barn á mánuði, til að mæta kostnaði sem er utan rekstrarkostnaðar borgarrekinnna skóla, s.s. vegna trygginga og endurskoðunar.

Framlög til sjálfstætt starfandi leikskóla verða við innleiðingu á nýjum samningi endurskoðuð og taka mið af stefnumótun borgarinnar í málefnum leikskóla og áætluðum fjárheimildum borgarrekinnna leikskóla vegna launa og annars rekstrarkostnaðar. Húsnæðisframlagið verður miðað við ákveðna fjárhæð pr. m<sup>2</sup> í stað þess að taka mið af innri leigu borgarrekinnna leikskóla eins og áður var. Sú fjárhæð mun í nýjum samningi taka breytingum skv. vísitölu neysliverðs.

#### **Umsögn:**

Fjármála- og áhættustýringarsvið hefur tekið samninginn til skoðunar og farið sérstaklega yfir áætlun kostnaðaráhrif hans á rekstur borgarinnar. Skóla- og frístundasvið hefur í minnisblaði með samningum gert grein fyrir þeim áhrifum sem samningurinn hefur og hafa fulltrúar skrifstofu fjármálaþjónustu og ráðgjafar farið með ítarlegum hætti yfir þau.

Fjármála- og áhættustýringarsvið gerir ekki athugasemd við kostnaðarmat skóla- og frístundasviðs. Breytingum frá fyrri samningi er að stærstum hluta til mætt með aðlögun innan rekstrar hjá skóla- og frístundasviði og er takmarkaðra viðbótarfjárheimilda þörf sé horft til sértækra aðgerða sem samið hefur verið um við sjálfstætt starfandi leikskóla. Þó þarf að taka til skoðunar við úthlutun fjárheimilda fyrir árið 2025 að fjármagna þarf sérstaklega aðlögun á innritunarkerfinu Völu 10 m.kr. og breytt viðmið faghlutfalls sem hefur um 15 m.kr. áhrif m.v. stöðuna í dag.

Fjármála- og áhættustýringarsvið lýsir ánægju með að nýr samningur við sjálfstætt starfandi leikskóla sé í höfn og bendir á að nýtt úthlutunar- og rekstrarlíkan sem fengið



Reykjavík



hefur nafnið Snorri mun um leið og það verður tekið í notkun hafa verulega jákvæð áhrif á rekstur sjálfstætt starfandi leikskóla, enda taki rekstur þeirra eins og fram kemur hér að ofan mið af fjárförf í samræmi við stefnumótun borgarinnar í málefnum leikskóla og áætluðum fjárheimildum borgarrekinnna leikskóla vegna launa og annars rekstrarkostnaðar. Hefur sú mikla vinna sem þar hefur verið unnin bein áhrif á allt leikskólakerfið hvort sem er borgarrekinnna eða sjálfstætt starfandi leikskóla, sem og á starfsumhverfi leikskólakennara og annarra starfsmanna innan þess.

Virðingarfyllst,

Halldóra Káradóttir  
sviðsstjóri fjármála- og áhættustýringarsviðs

